

ZIKLISMOA

Urbinaiko ziklokros proba estatalaren hirugarren edizioa korrituko da gaur

X.M. / DONOSTIA

Bagetako zirkuitoan Espainiako ziklokrosaririk onenak korrituko dute gaur, eguerdiko 12etatik aurrera. Igartua, Izagirre eta Iurrebasoren arteko beste lehia bat ikusteko aukera ederra, hirurek ezagutzen bait dute dagoeneko irabaztea zer den.

Benito Duranek irabazi zuen 1988an Urbinan, Gojain Industrialdeko estraineko ziklokros proba. Bagetako zirkuitoa guztiz lokaztuta,

ibilbidea arras gogorra egin zitzaizen txirrindulariei. Euriteen ondorioz lokatzak sortzen zituen arazoengatik, iaz Gojaingo Industrialdean korritu zen proba hau. Jose Mari Iurrebasok irabazi zuen, eta gaur berriro garaipena lortzen saiatuko da.

Industrialdia zabaldu egin dute ordea, eta Bagetara jo dute berriz antolatzaileek. Aurten lurra lehorra dago, eta karrera azkarra iragarri digu antolatzaileetarikoa batek.

Errepide gaineke tarte luzeak txi-

rrindulari guztientzat mesedegarri izango direla uste du Iñigo Igartuak, igandez Landetako probaren irabazleak. «Duran oso ondo moldatu zen orain bi urte, proba irabaziz, eta nik berriz lehenengoan artean sartzea lortu nuen, estraineko aldiz —aipatu digu Igartuak—. Izagirre ere oso sasoi onean dago, eta oinezko tartetan soilik izaten ditu arazoak. Lur gogorrean gerra handia emango du, ziur». Gazteen aukera iritsi dela ikusten du Iñigo Igartuak, «eta ka-



Benito Duran.

EGUNKARIA

rrera onak egiten ari garela antzematen da. Ea morala jasotzen dugun eta gure atzetik datozenek badutela aukera eta gailendu ezineko inor ez dagoela ikusten duten».

EKIPAMENDU OSOA



Orain, aparteko prezioak elikadura eta ostalaritzan.

Jakintsu talde oso batek, zure negozioaren errentagarritasuna konponduko dizu, ekipamendu eta altzaririk modernuenekin. Gainera, zerbitzu bikaina eta aholkularitza dohainik eskaintzen dizu.

Zure saltokia oso-osorik diseinatu eta ipintzen dizugu. Beirategi eta kamara frigorifikoak neurrira egiten dizkizugu. Haize egokituan azkenengo konponbideak.

Lehenengo marka europearrak erabiltzen ditugu beti.

Eta guzti hau zeure esku prezio ezinhobeagoetan.



Elikadura eta ostalaritzan
EXCLUSIVAS REGUEIRA, S.A.


Zatoz helbide hontako gure erakusketara:

e/sa

Bizkaian: Autonomía, 68 - Tf: 4449662 - BILBO
Gipuzkoan: Urki Bajo, 23 - Tf: 1132 21 - EIBAR

Reasa

REGUEIRA ALAVESA, S.A.
Araban: Paraguay, 13 - Tf: 264644 - GASTEIZ
Errioxan: M^a Teresa Gil Gárate, 39 - Tf: 253214 - LOGROÑO



LABURREAN

JAIZKIBELeko igoera Europako txapelketan

«Real Automovil Club»aren antolakuntzapean urtero egiten den Jaizkibeleko kotxe igoera, Europako mendiko txapelketarako baliagarria izango da datorren urtean. Proba hau, maiatzaren hamar, hamaika eta hamabian jokatu da, eta bertan Europako gidari onenak izango dira. Proba honen antolakuntza lortzeko, lehengo urteko txapelketan Andres Vilariñok lortutako garaipena funtsezkoa izan da ●

OSASUNako Edu jokalaria Eibarren jokatu du

Orain arte Pedro Mari Zabalezaren agindutara egon de Edu jokalaria Eibarren jokatu du denboraldi bukaera arte. Eduardo Garcia jokalaria, hogeitabat urte ditu eta zela erdian jokatzen du. Lehen mailan, hiru urte egin ditu Osasunarekin, baina entrenatzailearen asmatan sartzen ez dela kontutan izanik, Eibarren proposamena onartzea erabaki du, «garrantzitsuenak jokatzeko da, eta Osasunak ezinezkoa baldin bada beste leku batean saiatuko naiz» ●

MARADONAREN argazkia artxibatu du juezak

Maradona eta Guiliano di Forcella mafiako buruzagien argazki bat artxibatu du Angelo Spirito Napolessko juezak. Argazki hau 1986tik hona atera du Italiako poliziak. Federico Cafiero fiskalaren ustez, material honek ez du legez kanpo ekintzarik egon denik adierazten, «datu zehatzak falta dira». Munduko futbolari onenenaren aurka irekitako expedientean, berak eta bere familiakideek izan dituzten mehatxuak ere jasotzen dira ●

SANBOLARIAK Moskura iritsi dira

Euskal Herriko sanbo selekzioa atzo abiatu zen Mosku aldera, senior eta junior mailako Munduko Txapelketan parte hartzeko. Abenduaren 7tik 14ra Lujniki Kirol Palazioan euskal selekzioak 1989an Georgian eskuratutako bosgarren postua errepikatzea izango du helburu. Gorka Sagastume (52 kgr.), Iñigo Elortza (57), Pedro Gracia (62), Juan Aspiroz (68), Jorge Bocanegra (74) eta Jon Idarreta (82) izango dira senior mailan euskal taldearen ordezkariak. ●